

BAKEGINTZA. Sabino Arana Kultur Elkargoaren topaketan gizarteko hainbat arlotako ordezkariak bilduko dituzte

Bitartekariak gatazken konponbidean duten lana aztertuko du mintegi batek

Gatazka bideratzeko elkarrizketaren balioaz jardungo dute berrogei adituk Bilbon, etzi



SABINO ARANA KULTUR ELKARGOA

Txema Montero eta Shlomo Ben Ami, 1998an Sabino Arana Elkargoak antolatutako ekitaldian.

Joseba Arruti | **BILBO**

Mundu zabalean diren indarke-riazko egoerak bideratzeko asmoz, bakearen eta elkarrizketaren alde diharduten hainbat erakunde, elkarte eta komunitatek bitartekari lanetan betetzen duten eginkizuna aztertuko da etzi, Bilbon, Sabino Arana Kultur Elkargoak antolatutako mintegi batean.

*Elkarrizketa gatazka konpon-
tzeko bide gisa* goiburuko ekital-
dia Carlton hotelean egingo da,
goizeko 9:30etatik aurrera, eta
bertan kazetaritzako, politika-
ko, unibertsitateko, talde bake-
zaleetako eta justizia arloko be-
rrogei ordezkari ariko dira.

Topaketaren abiapuntua Sh-
lomo Ben Ami Israelgo Atzerri
ministro ohi eta Alderdi Labo-
ristako buruetako baten txoste-

na izango da. Berarekin batera,
Matteo Zuppi Italiako San Egi-
dioko komunitateko laiko-kato-
likoen mugimenduko ordezka-
riak jardungo du lehen saio ho-
rretan. Zuppi Mozanbikeko
gerran jardun zuen bitartekari-
tza lanetan, eta San Egidio
komunitateak bitartekaritza la-
nak egin zituen ETaren eta Es-
painiako Gobernuaren artean su-
etenaren garaian.

Txostenegile bien saioaren
ostean, haiek aipatutakoaren
inguruko hausnarketari eta ez-
tabaidari ekingo zaio. Zeregin
horretan parte hartuko dute-
nen artean daude Jose Maria
Setien Donostiako gotzain
izandakoa, Iñaki Aldekoa
HBko Mahai Nazionaleko kide
ohia, Xabier Arzalluz EAJko
presidentea, Paddy Wood-
worth kazetari irlandarra, Jo-
seba Egibar EAJko bozerama-
ilea, Jonan Fernandez Elkarriko
koordinatzailea, Margarita Ro-
bles magistratua, Javier Elzo
soziologoa eta Jose Elorrieta
ELAko idazkari nagusia.

Egoera gatazkatsuen kausak aztertzeke helburua

Mintegia antolatzerakoan, Sa-
bino Arana Kultur Elkargoak
nazioarte mailako egoera ga-
tazkatsuen kausei buruzko
hausnarketa egiten lagundu
nahi du, haiek «sormenez, tole-
rantziaz eta bake bidetik» kon-
pontzeko asmoz erabaki nego-
ziatuak hartu beharraz jardute-
arekin batera.

Izan ere, Kultur Elkargoko
antolatzaileek aditzera eman
duten, «bizikidetzak baketsua
aurrerapena, ongizatea eta el-
karren arteko ulermena ahalbi-
detzen duen ondare gisa hartu
behar du gizateriak, eta horren
inguruko balorazioa egin nahi
dugu». Hala, Sabino Arana
Kultur Elkargoak beharrezko-
tzat jotzen du «elkarrizketara-
ko mekanismoak aintzates-
tea».

ZERAREND

Berrogei partaide

- Shlomo Ben Ami (Israelgo Atzerri ministro ohia)
- Matteo Zuppi (San Egidio komunitatea)
- Txema Montero (Sabino Arana Kultur Elkargoa)
- Julian Hottinger (Zientzia Politikoetan doktorea)
- Fernando Grande (epailea)
- Eugenio Gay (Pax Romana)
- Jose Maria Setien (Donostiako gotzain ohia)
- Ramon Mugika (irakaslea)
- Iñaki Aldekoa (Aralarildoa)
- Alberto Spektorowski (irakaslea Tel Aviv-en)
- Xabier Arzalluz (EAJ)
- Paul Ortega (Unesco Etxea)
- Javier Villanueva (idazlea)
- Carlos Suarez (irakaslea)
- Jose Luis Zubizarreta (Jaur-laritzako Kultura Saila)
- P. Woodworth (kazetaria)
- Aitor Guenaga (*El País*)
- F. Alberdi (Radio Euskadi)
- Alberto Surio (*DV*)
- Xabier Giro Marti (irakaslea)
- Joseba Egibar (EAJ)
- Alessandro Gori (kazetaria)
- Helios Bueno (kazetaria)
- Jonan Fernandez (Elkarri)
- Pedro Luis Arias (BAK)
- Sagrario Moran (irakaslea)
- Patxi Aldekoa (irakaslea)
- Gaspar Martinez (Bilboko gotzaindegiko idazkaria)
- Margarita Robles (magistratua)
- Emilio Olabarria (EAJ)
- Javier Elzo (soziologoa)
- Jose Elorrieta (ELA)
- Juan Maria Ollora (SEA)
- Josune Ariztondo (EAJ)
- Teresa Martinez de Arano (abokatua)
- Iñigo Urkullu (EAJ)
- Gorka Agirre (EAJ)
- Margarita Uria (EAJ)
- Begoña Ocio (irakaslea)
- S. Garcia Trujillo (*Hermes*)

EKIALDE HURBILEKO IKUSPEGIA

Ben Ami, Israelgo aurpegi gozoa

Sabino Arana Kultur Elkargoak etzi Bilbora ekarriko duen Shlomo Ben Ami Israelgo politiko garrantzitsuenetakoa da. Duela 58 urte jaio zen Tangerren (Maroko), eta 1955ean bertatik emigratu zuen zazpi urte lehenago sortutako Israelgo Estatura.

Oxfordeko unibertsitatean Historiako doktoretza lortu zuen Ben Amik, eta diploma-ziaren zirrikitu guztiak ezagu-



XOUSE SIMAL

Ben Ami, Bilbon, duela 3 urte.

tzen joan zen. Enbaxadorea izan zen Espainian, eta etapa hori amaitutakoan Israelgo barne politikan jardun zuen.

Benjamin Netanyahu Likud koalizio eskuindarreko lehen ministroak hauteskundeak galdu eta Ehun Barak laboris-tak txandakatu zuenean, Shlomo Ben Ami Barne Segurta-sunerako ministro izendatu zuten. 90eko hamarkadaren amaieran hainbat negoziazio-tan hartu zuen parte palestinarrarekin, eta iaz Barakek Atzerri Arazoetarako minis-tro izendatu zuen.

Laborismo Berria deritzana-ren ordezkarietako da Ben Ami, eta gaur egun Ariel Sharon kontserbadoreak bete-tzen duen lehen ministro pos-turako hautagai sendoa izan daiteke etorkizunean.



BILBOKO
MERKATARITZA
GANBERA
CÁMARA DE
COMERCIO
DE BILBAO
www.camaranet.com

Hizkuntza ikastaro trinkoak Ingelesa - Frantsesa Alemana

•Uztailean edo irailean

•Goizez edo arratsaldez

•Matrikula irekia

Informazioa eta izen ematea:

Rekalde zumarkalea, 50 • Telf.: 94 470 65 12 • Fax 94 443 41 45

Trebakuntza Ikastaroak